



Aningaasaqarnermut Naligiissitaanermullu
Naalakkersuisoq

Ulloq: 30-12-2022

J.nr.: 01.31.06/22-01009

Aningaasaqarnermut Akileraartarnermullu Ataatsimiititaliap marlungornermi ulloq 27. december 2022-mi aalajangiineranik Naalakkersuisunut ilisimatitsineq

Mittarfeqarfiit nunatta karsianit atuisinnaanerata iliuuseqarfigineqarnissaanut ilassu-titut aningaasaliissutit, suliffeqarfiullu nammineertitap aktianik piginneqatigiiffinngor-tinneqar-nissaa sioqqullugu aningaasaleeqataassutsinik akiliuteqarneq. Ataatsi-miititaliap suliaa nr. 01.31.06/22-1009.

”Naalakkersuisut **inassutigaa**:

- Konto pingaarnermut 20.10.11 Ilanngaassereerluni ernianut oqaasertaliussaq nr. 1 inner-suussutigalugu, Mittarfeqarfiit Nunatta Karsianit atuisinnaanera 2022-mi decembarip 31-ani nalikillisillugu 0 koruuninngortinneqarnissaa, Inatsisartut Aningaasaqarnermut Akileraartar-nermullu Ataatsimiititaliaata akuersissutigissagaa,
- Ilanngussaq 1 innersuussutigalugu, kiffartuussinissamik isumaqatigiissummut aningaasat pisariaqartinneqartut annikillisinneqarnissaa siunertaralugu Mittarfeqarfiit 60 mio. koruuninik aningaasaleeqataassutsinik akiliuteqarfigineqassasoq,
- DA-mi angusaq 2022-mi 135 mio. koruuninik ajornerulersinneqassasoq,
- Ilanngussaq ilanngunneqartoq naapertorlugu 2022-mut ilassutitut aningaasaliissutissanut inatsisissatut siunnersuummi, konto pingaarnermut 20.10.11 Ilanngaassereerluni ernianut oqaasertaliortoqassasoq”

Aningaasaqarnermut Ataatsimiititaliap oqaaseqaatai

Ataatsimiititaliap oqaatigissavaa suliassap matuma akuersissutigineqarnissaa ataatsimiititaliami a-merlanerussuteqartut tapersormassuk. Ataatsimiititaliami ikinnerussuteqartup Naleqqap ilaasortaa-titaata Naalakkersuisut inassuteqaataat akuerinngilai ikinnerussuteqarlunilu ima oqaaseqaateqar-luni:


“Naleqqamiit aningaasat qinnutigineqartut tupaallaatigivallaanngilagut – Mittarfissualiornermut tunngatillugu Mittarfeqarfinnut sunniutissai taakkartortarsimagatigit uanilu taakkartortakkagut aningaasalersorneqarnissaasa ilagiinnagaat saqqummiunneqarpoq Naleqqamiilli uggoreqaar-put aningaasamut inatsit aqqutigalugu sularineqanngimmat aningasat annertoorujussuit pineqqarmata. Mittarfiliornermi 700 mio. kr. Kalaallit Airport iluanaarutigisassaanut ukiunut 30-inut agguarneqarsimasunut sanilliukkaanni 60 mio kr-inik mittarfeqarfiit A/S-inngortinneranut aningaasaliissutaasut millionerpassuupput taamatullu Mittarfeqarfiit aningaasat atorsimasaat 75 mio. kr-it ilanngukkaanni 135 mio kr.-it aningaasarpassuit aningaasamut inatsimmi kisitisitai toqqaannaq ilaanngitsut inuiaqatigiinnut sunniutai annertuujupput ilanngullugu eqqqarsaatigis-

sagaanni mittarfeqarfinnut kiffartuussinermut aningaasamut inatsimmi 35 mio kr-iusut ukiuni tulleriinni saniatigut bilag-itut ilanngunneqartoq mittarfeqarfinnut kiffartuussinermut aningaasartuutaasussat mittarfiit nutaat atulerpata Mittarfeqarfinnut kiffartuussinermut aningaasartuutissat 105-iussasut imaannaanngitsuupput sivisuumik aaliangernermut oqaatiginaveersaarneqarsimasut, taakkumi ukiunut 30-inut siaaraanni 3 milliard 150 million kr-it mittarfeqarfinnut aningaasartuutaalertussanngorput nunatta karsianiit nunatta karsia sinneqartoorutinik isertisutigisartagaat ukiumut millionerpaaluit annaallugit taakku annaasat ilanngunnagit aningaasartuutaanerusussat annertoorujussuupput tamannalu inuiaqatigiit aningaasaqarniarnerannut torrallataanngilluinnartutut Naleqqamiit isigalutigu ikinnerussuteqarluta oqaaseqaateqarpugut imaannaanngitsutut isigigatigu suleriuserineqartoq.”

Aningaasaqarnermut Ataatsimiititaliap aalajangerera

Qulaani allassimasutut oqaaseqaateqarlutik Aningaasaqarnermut Ataatsimiititaliami amerlanerusuteqartut Inuit Ataqatigiit, Siumup Demokraatillu ilaasortaatitaasa Naalakkersuisut inassuteqaataat akueraat.

Ataatsimiititaliaq sinnerlugu



Hans Peter Poulsen

Ataatsimiititaliap siulittaasua